

www.BibleForChildren.org

Génesis 3




Ko Adán binchegi ' in chri ' i Eva, yaa
ruchro ixin je ' e tsji jana ' a ngain kain
chujni sechon ngata ' a nunthe.



Aro kunchee icha bakinxin ba ke kain
kuxiigo binchechjian Nchaa ná Dio,
ko naa ncha ' on kunchee ndachro ba
ngain thi nchrii: —¿A ko ndua
ndachro Ndo Dio ixin chro ' a sinthe
ra thuchjuiin kain nthaa jii ngain
Edén ji ' i?



Ko thi nchrii
bathe ' e ngain
kunchee ko ndachro:
—Jaan, nchao sine ná
thuchjuin kain nthaa jii ngain nunthe ji ' i;
aro nthá thuchjuin jii ngusine nunthe ji ' i,
Ndo Dio ndachro: «Nthe ' a ra ko kathe ' a
ra tho dajon nthá
thuchjuin yaa, ko
ixin ja sinthe ra
thuchjuin nthá,
ndase ' en ra.»



Kuthimejan kunchee
ndachro ngain thi
nchrii: —¡Ndua ' a;
sen ' a ra! Ndo Dio
ndachro jañaá ixin je ' e Ndo nu ' e Ndo jian
ixin are ja ' a ra sinthe ra thuchjuin nthá
yaa, rukjan ra inchin je ' e Ndo ko
ruchunxin ra thi jian ko
thi jian ' a.



Ko thi nchrii bikon ixin thuchjuuin nthaa
anto chrjuin te tho ko nchao rune tho,
ko juinao rugayee juaxraxauen Ndo
Dio. Ko jañaa kunchrijin naa tho ko
juine tho. Ko kai bajon tho ngain
xixi 'i ko je 'e xa
juine xa tho kai.



Ko xirebe ' o juaxraxauen kayui ko
jañaa binthegikon ixin xru ' in luntho
tengaa. Ko mexinxin kunchrijin nchin
kee nthā higo ko binthekjaon ka ixin
binthekjamataunxin nthau ' e.






Aro
Nchaa
ná Dio nichjee
thi xii ko ndachro: —Adán, ¿thinoo
ri ' i ja ' a? Ko thi xii bathe ' e: —Kuian beji ' i
Suixin ko anto xraon na ixin xru ' in luntho ringa ' a ko
tabarima. Kuthejan Ndo Dio banchiangi Ndo:
—¿Kensen ndathjo ixin xru ' in luntho ringa ' a?
¿Ajuinthe thuchjuin nthaa ndathjo ixin runthe ' a?




Ko thi xii ndachro: —Thi nchrii Suixin binchechjian ko chjana, nchrii yaa thi tse thuchjuin, ko chjana juine. Kuthimejan Nchaa ná Dio ndachro ngain thi nchrii: —¿Ke ' e binche ' e? Ko thi nchrii bathe ' e ko ndachro: —Kunchee bincheyana ko juine tho.





Ko Nchaa ná Dio bantsjexin ngayee
nunthe Edén thi xii ko thi nchrii,
ixin runche ' e ná xra ngain jinche,
thi jinche kunchjianxin na.



Ko jaña Nchaa ná Dio
bantsjexin ngain Edén thi xii ko thi nchrii.
Ko bake ' e Ndo ngain Edén nu thi
chrinxin ncha ' on kainxion ángel
kerubín ko kai bake ' e naa chia
taade jitjama xru ' i ko bakji chia
ko bakjan chia ixin rukunchien ' a
nā ngain nthā thuchjuin
nchegechon ni kain ncha ' on.




Adán bejuaka 'o Eva, nchri chri 'i ko tabeyaa nchra chjan ko binchekunkji 'i naa chjan bi 'in Caín, ko ndachro nchra: «Ndo Dio binchenciaon na ko chjana naa xan xii.» Kuthimejan binchekunkji 'i nchra inaa xan xii ko xan yaa bi 'in xan Abel. Ko xan Caín banche 'e xra ngataon jngi

ko xan Abel
bagaku 'en
xan kuleko.




Ko batho nano, ko naa ncha ' on Caín bikao ngain Ndo Dio nchin thi je ' e batse ngain jngi ko binchendusen ngain Ndo. Ko kai Abel bikao nchin kuleko guan sa ' o ngakjan kue, ko kuinchie ' e ku icha chrjuin te ixin binchendusen ngain Ndo Dio. Ko je ' e Ndo bayee Ndo Abel ko thi bajon Abel.



Aro baye ' a Ndo Caín ko thi bajon Caín, ko ji ' i
binchexruxin ' a Caín ko ngakon kjuaago ixin anto
guñao ko tabechiin.



Ko naa ncha ' on Caín ndachro ngain xan choo:
—Jina ngataon jngi. Ko are tate nthi ' a ngain jngi,
Caín kjuaaya ngain xan choo ko nagueixon xan.



Kuthimejan Ndo Dio banchiangi ' i Caín ko ndachro:
—¿Thinoo jii Abel xan choo? Ko Caín bathe ' e ko
ndachro: —Nuna ' a thinoo jii xan, ¿ajikininxin na ja ' an
sarinda xan? Ko jañaá Caín sakjuixin
ngain thi nunthe be ' e ko kai
ngathexin kon Ndo Dio, ko Caín
sakjui bige ' e ngain nunthe di ' in
Nod, nu thi chrinxin ncha ' on.



Ko Adán kjan bejuaka ' o chri ' i, ko chri ' i binchekunkji ' i
inaa chjan ko xan mee bi ' in Set, ko ndachro nchra:
«Ndo Dio chjana inaa chjan ixin xan Abel,
thi xan guen Caín.»



Kuthimejan are guan Set, Adán xra bechon jni renkia nano, kai bechunda icha xe ' en xan xii ko xan nchrii. Ko Adán bechon n̄a renkia ko kan ko the nano ko be ' en.



Ko Ndo Dio bikon Ndo ixin anto tsjé thi
jian ' a banche ' e chujni ngata ' a nunthe
ko juxon thi jian ' a baxraxaon nā
ngathe anseen nā.




Ko ndachro Ndo Dio: «Sinthatjaan kain chujni
binthachjian nguixin ngata ' a nunthe,
sinthatjaan kain chujni ko kain kuxiigo
yeye, kuxiigo thingajintaon tse ' e
nunthe ko kain kuxiigo tjuganga;
inchenina ixin



bindachjian
chujni!»



Aro Ndo Dio banchexruxi ' in thi banche ' e Noé.
Ko Noé bechundaka ' o chri ' i nii chjan, xan Sem,
xan Cam ko xan Jafet.



'Ndudana thjen
ngajni anto thjue'e ndo kainxin chujni
ngata'a nunthe, mexinxin bajon na ndo
ja'an, thi nakuaxinxon Xe'en Ndo ixin
kainxin chujni dithikaon na ja'an
tsji'a n̄a ngain thi xru'i dang'a,
ko rukjan n̄a inaa chujni
narua thi xru'in
ncha'on
tsjexin.



Romanos 3:23

ixin kain ná bintho ' o ná thi jian ' a, mexinxin ndakunkjínxin ná ngathexin kon Ndo Dio.

Romanos 6:23

Thi chujni nche ' e thi jian ' a sacha n̄ tsji n̄ ngathe xru ' i.
Aro thi juinthathuan ná Ndo Dio nthakjan ná inaa chujni narua ko xru ' in ncha ' on se ' en ná ko sunthe ná ngain Nchaa ná Jesucristo.

Hebreos 9:27

Jañaa inchin kain chujni de ' en n̄ nakua nthi ' a,
kuthimejan Ndo Dio sinche ' e jie ngain n̄,



Efesios 2:8,9

Ixin thi anto thjua ' a ra Ndo Dio, ja ' a ra bitjaña ' a ra jie, je ' o ixin chunthia ra ngain ndo ko je ' a ixin runche ' e ra tsjé thi jian. Ji ' i ku ' en ixin thi binthathuan ná Ndo Dio.

Ko kuen ' a ji ' i ixin thi jian nche ' e chujni, mexinxin xru ' in chujni tsa ' in ñao.

Romanos 10:9,10

Ja rundachro kunixin ru ' a ixin Jesucristo Nchaa ko ngain ansean sithikaon ixin Ndo Dio binchexechon Jesucristo ngayee ni ndadige ' en, jamee ja ' a rukjan inaa chujni narua. Ixin anseen ni dithikaunxin ni ixin Ndo Dio nchekjan ni jian chujni, aro ixin ru ' a ni rundachruxin ni ixin batsuan ni Jesucristo, ixin jaña rukjan ni inaa chujni narua.



San Juan 3:16,17 'Ndudana thjen ngajni anto thjue ' e ndo kainxin chujni ngata ' a nunthe, mexinxin bajon na ndo ja ' an, thi nakuaxinxon Xe ' en Ndo ixin kainxin chujni dithikaon na ja ' an tsji ' a n̄ ngain thi xru ' i danga ' a, ko rukjan n̄ inaa chujni narua thi xru ' in ncha ' on tsjexin. Ixin Ndo Dio ruan ' a na ndo ja ' an, thi Xe ' en ndo, ngata ' a nunthe ixin sinche ' e xan j̄e; Ndo Dio rua ' an na ja ' an ixin tsjengijna kainxin chujni ixin rukjan n̄ inaa chujni narua.

1 Juan 5:11-13 Ko ji ' i thi ndua ndachro Ndo Dio: Je ' e ndo nthagechon ná ko xru ' in ncha ' on se ' en ná ko thi dinthechon ni, jii ngain Jesucristo. Chujni dithikaon Xe ' en Ndo Dio techon ná ko xru ' in ncha ' on se ' en n̄; ko chujni dithikaon ' a Xe ' en ndo, techon ' a n̄ ngathexin kon ndo. Ja ' an ji ' i k̄jin na ixin ja ' a ra xro dithikaon ra Jesucristo thi Xe ' en Ndo Dio ixin tsunu ' a ra ixin utechon ra ko xru ' in ncha ' on se ' en ra.



Génesis 3 – 6

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Popoloca, San Marcos Tlacoyalco Bible (pls) © 2017,
Wycliffe Bible Translators, Inc. All rights reserved.

<https://live.bible.is/bible/PPSTBL/MAT/1>

©2025 Bible for Children, Inc.

www.M1914.org

www.bibleforchildren.org

